

KIMIAD EUR PELERIN.

Var eun ton ankenetus.

C'hoas eur ganouen néve d'am bro gaër Breiz-Izel,
 C'hoas eur verz d'ar Vretonet araug ho dilezel,
 Eur verz d'ar helerinet pere bign diarc'hen,
 Da ilis sagr Remengol (1) da ober ho feden.

Salud, douar burzudus, var bini bep kamad
 A laka daëlou a joa da zont em daoulagad;
 Salud! d'ar guël ac'hanout, gant kement a zo bet,
 Cetu ma sao dirazon an amzer dremenet.

Aze, en draonien, 'mar Faou, kar ar markis dister (2)

(1) Remengol, ar gaëra ac ar santela ilis a Vreiz-Izel, a zo het savet gant ar Roue Gralon, en enor d'ar Vere'hes, goude ma voa beuzet Kar-Is.

Abaoue an amser-ze, meur a Escop, ac hon tad santel ar Pab, e eunan, ho d-us roët calç a Brezanchou, ac accordet induljansou bras da ilis miraculus an itron Varia *Remed-oll*, ac, hervès an dud-coz, peb guir Vreton, a gle, eur veach, da viana, ober, *beo pe varo*, pelerinaeh Remengol.

(2) Markis ar Faou, ha calç a real eveldan, a drete, en amser-ze, an dud, calç gouassoc'h evit na dreter, hirio, ar chass. Sant Judulus ha sant Tadee, daou reliquus a abbaty Landevennec. pere o devoa rebechet dezan e vuntrou hac e fallagriès a voa lazet gantan; sant Judulus en ilis abbaty Daoulas, oc'h an anter, e pad an oferen bred, ac ar muntrer, en eur sevel, en èr, e gleze, ru gand ar goad, a lavaras d'ar lobl, neuse, allas, en esclavach!....

Grik, Daoulasis! ... pe me rai deoc'h oll kemend-all.....

Sant Tadee, pini a allas tec'het, a voa lazet, gantan, var bord an ôl, dirac Landevennec.

Doue a deuas, pront, da bunissa Markis ar Faou, digas a reas var e zouar eur serpent eüzus, pini, goude beza lonket e vab èna, a zistrujas an dud, al loanet hac an ed. Ar Markis a zizec'has var e dreid, gant an disesper. Sant Pôl, a voa neuze, eskop e Leon, mont a reas ar muntrer d'en pedi da zelvra e zouar, eus eun aneval ken estrarang. An Escop santel, enem reutas en ilis saer Remengol, pedi a reas eno, Doue ac ar Vere'hes da gaout true eus ar Faouichen, pere a voa c'hoas tud harbar, prezec a reas dezo an aviel, a goude bea gret sin ar grouas var ar serpent, e tolos e stôl en dro d'e c'hong, en eur lavaret:

« En hano Doue, ac en hano an itron Varia Remengol, ordren a ran dit, heuil ac'hanon. »

Ar serpent a oboissas, ractal, ac a heuillas, evel eun oan, ar sant, pini er c'hunduas var boues e stôl, betec enès yas, ac en tolas er môr, el tec'h hanvet, c'hoas, hirio, toul ar serpent

A dreuzas sant Judulus e c'harz treid an auter,
Ha goude goad sant Thadec didrue a scuillas-
Er barres a-zoug brema an hano a Zaou-las.

Du-ont, e traon Mene-C'hom, var eon da dybidy (3)
Landevennec a velas hor c'henta abatty;
Du-ont e varvas e peoc'h mab ker ar zantes ven,
Ha roue ar C'hernevis, scuis gant e gurunen.

Mæs brema an tremeniad, en abatty gollo,
Na gao nemet reviaon, gryet gant an hillo;
Ar venach a zo kousket, dindan an douar ien,
Ha netra muy na glevont, nemet moës ar gaouen.

Huelloc'h sant Caourintin, kenta escop Kerne,
A ras, e c'hleus eun derven, pinijen, er Mene,
Hac en tu-al, var ar môr, dirag Douarnenès,
Kær-Is, guech-all, a zave evel eur Rouanes.

Pelec'h emoude breman, kenta kær an Arvor?
Pelec'h 'ma da balechou, da bobl ha da zec dor?
Pelec'h 'm'al lestri-ze, en da borz atao prest,
Pere lampe var ar môr 'vel kesec digabest?

Muy netra: na porz, na lestr na pobl, na ty, na men!
Var ben ar gær gonfontet ar bagou a dremen,
Har ar môr, epad an noz, gant moëchou a c'hlae'har
A ruill en eur luskellat ar stered hac al loar!

Te ebken a zo chomet, var men ru Teutatès (4),
Te ebken, a zo chomet, templ santel ar Verc'hès,
Zo chomet hac a chomo pell c'hoas var lerc'h Gralon,
Evit testeni a fei d'an oll dud a galon.

Cetu aman dirazon, tro-var-dro, daoulinet,
Bugale Leon, Treger, re Guerne ha Guenet,

(3) Tybidi, da lavaret e, *ty-da-bedt*, eneze-*nic* vian, etre ar
Faou a Landevennec, e pini, e pad tri bla, e chomas sant
Guenole gant e ziskibien, araug mont da Landevennec, en tu
al d'ar voas vôr, e pelec'h e savas eun abatty, en pe hini zo
bet kement a zient ac a dud a skiant.

Gralon, roue Kernevis a varvas, e Landevennec, e tre di-
vrec'h e vignon, sant Guenole, mab da sant Fragan a d'ar san-
tes Ven. Sant Guenole en deus meritet, dre e vertusiou, an
hano caër a *Æl Breiz-Izel*.

(4) Ar roue Gralon araug sevel ilis Remengol, a reas discar
Men-ru Teutatès, hanvet ive, *Ru-men goulou*; var ar men
ru ze e vige sacrificet, da eun doue barbar, tud veo, ac eur
veach er mis, eur buguel bian c'hoas euz ar vrôa,

Cetu-hint, a vandennou, kosni a yaouankis,
Heruet a bep coste ha guisket e peb kis.

Collet e ganec'h, breudeur ! ho toueou maro,
Collet ho toliou-mein-ru, collet mar an dero (5),
Collet gant darn ho bleo hir, gant darn ho bragou bras,
Maes en oc'h oll galonou ar fei a zo beo c'hoas.

Lavar din-me, goustadic, plac'hic yaouank tener,
Perag var da zaoulin noas he rez tro an auter ?
Lavar c'hoas, lavar din-me na perag he voëles,
He voëles en eur bocad da dreid sagr ar Verc'hes.

Te a zistroio, d'ar gær demeus an ilis-man,
Ha me am beus dilezet oll kement a garan ;
Te deu couscoude gant joa d'ar pardon da bedi,
Ha me gant tristidiges, me den da kimiadi.

Kenavo, Brest, ar c'hrenva deus kærion Breiz-Izel,
Pini a zalc'h chadennet c'hurunou ar brezel,
Ar c'hurunou a laka tro-var-dro, pa drouzont,
An douar, deus ho c'helevet, da grena gant ar spont.

Kenavo, lec'h m'on ganet, kenavo coat teval
E c'hreis pini e santen va c'halop e tridal,
Pa voude an avel foll, en eur bija ar goën,
Ha pa ruille gant luc'hed, c'harros an tan en en.

Kenavo da Gastel Pôl, kenavo d'ar studi,
Ha d'ar môr rust a garen da velet o coënv,
Ha dide, tour-sonn Kréis-Ker, leun a steredennou,
Pini gant da groas houarn a freg ar goùbrennou,

Kenavo, sant Caourintin, da cathedral brudet,
D'ar ghler a chom e kichen ar Ster hac an Odet (6),
Ha d'an ilis m'am c'hargue Doue deus e zoujanz,
Pa bigne, d'ar beden-noz, ar c'han gant an ezanz.

Kenavo dec'h, va mam vad, plac'h fur herves Doue,
Da bini e zon diou vech gleour deus ar vue,
Kenavo !... maes va daëlou a red en desped din,
Caled e ar blandeden, pini a stourm ouzin.

(5) *Ar Var*, hanvet, hirio, Louzaouen ar groas, a repre-
sante d'ar vrettonnet coz, dre na varv jamas, immortalite an
ene, ac a voa sacret evito, pa zivoane var an dero. An Dru-
det, bo Beleïen, he zroc'he gant eur fals aour, var fin ar goan,
er c'houec'hvet n'osvez eus al loar neve, ac e troad an derven
ma vije cavet, e celebrent eur goël bras ac e lac'hent daou
daro guen.

(6) Ar Ster ac an Odet, diou rivier Gempes, var bord pere
ema ar seminer.

Ha te, joa va daoulagad, va doussic Guenoli,
Caëra bleuen an Arvor, c'hoar ena al lili,
Pa n'allomp, hon daou beva, hon daou mervel er vrô,
Sivoas ! kenavo, sivoas ! kenavo, kenavo !....

Pa vin-me pell diouzit, ha ne golli te ket,
Ha ne golli ket ar zong demeus an divroet
Na dont a ri te aman, ellec'h ma na m'o den,
Na dont 'ri gant da zaëlou da scuilla da bedea :

Abardaë hor c'himiad, en ear ziscuell an êu,
Te lavaras : — Va mignon, pa vi et diganen
Pa vi et pell da vrô c'hall, p'e guir e red dit mont,
Sell a vichou, m'am c'hares, deus ar stereden-zont.

Ha me kerkent a zavas va fen gant melconi,
Ha pa velis en envou ken caër o lugerni
Pa velis da stereden, e respontis ractal,
E respontis evel-hen, va daoulagad teval :

— Guenoli, m'hen tou, aman, hanaout a rin bepred
Hanaout 'rin da stereden e toes an oll stered,
Hac hi, bep abardaë, hi dit a lavaro :
Da gloarec douss d'a gare, d'a gar ha d'a garo ! —

Hac en eum dispartichomp, var al lec'h, hep dale,
Hep gallout muy ranna gir an eil deus egile,
Ha netra dindan an ên, netra var an douar
Na voë ha na vo bihen henvel deus hor glac'har.

Guerc'hes sagr a Remengol, m'ho ped var va daoulin,
Henchit, henchit ac'hanou en hent beteg ar fin,
Tolit eur zell a drue var bugel an Arvor,
Ha lakit en e galon nerz, ha fei, hac enor.

Avoallac'h beteg vremen m'eus bet a drubuilhou,
Evet am beus em c'halir avoallac'h a zaëlou :
Roit 'ta eun neubendic a joa d'am yaouankis,
G'hai pini rô, pa garit, d'ar roz goënvat ar glis.

Maes cetu 'noz, mont a ran... pell ouzoc'h me velo
Ho tud paour ha mac'haignet var ha zorcken golo,
Ho pelerinet ker stank hac ar bleün er balan,
Hac ho templ sklerijennet a lugern 'vel an tâu.

Evel-se e kimiadas, gant cals a gomzou-all,
'Kimiadas ar pelerin a ie varsu brô c'hall,
Hac e pedas eur pennad, daoulinet var ar men,
Ha goude 'tisparissas, 'vel eur skend a dremen.